



ЧАННАЦІУЖУ

«ЗВЕЗДА»

29 июль 2016 ш
ножмар

№ 30 (6511)

Багъа 2 къуруш

Газета буклаккиссар
1951-ку шинал
ноябрьдания шинмай

Учредитель: Ккуллал районналул администрация
Кулинская районная администрация

Актуализация дурну къуртал дуван

Хлакьинусса кьинигу биялну щаллу къабунувасса масъала хъанай бур шярвал лавусса агъалийнал къатри ва хлукуматрал идарарду сиях1 район ласаву-актуализация дуваву. Мунихтуну махъсса шпуртгугу ца агъамсса кьини лун масъалану му масъала бур.

Июлланул 25-нний муни ципальный районналул бак1чи С.Х1.Сулаймановлуч1а итни кьини хъусса совещаниялийгу ихтилат муния най бия. Микку ихтилат буллай С.Х1.Сулаймановлул цунилгу клич1 лавгуна хлакьинусса кьинигу актуализациялул масъала щаллу къахъанай бушиву. Му масъала щаллу буван гъарца шярвун ца-ца вакил тлайла уккарчагу



миннава ч1явуминнал цайн ма тапшур бувсса масъаларду щаллу бувну бакъашиву. Совещаниялий бавт1усса райадминистрациялул чулухасса вакилтал цунил

гу буржлув бунни ОКС-рал ва ЛПХ-рдал документру бавт1уну актуализация дуван МФЦ-лийн тапшур бувавриву.

Грант ласунсса конкурс

Дагъусттан Республикалул ишбажаранчишиврул ва инвестициярдал Агентство баян буллай бур конкурс цуну хъанакъисса ч1ивимур ва хъунмур ишбажаранчишиврул грантру дулавриву.

Ми дуллалиссар РД-лул паччах1лугърал программалул 7-мур приложение «Экономическое развитие и инновационная экономикалийн бувну, цувгу 2014-ку шинал декабрь данул 22-нний № 651-сса РД-лул Хлукуматрал хлукумулийн бувну.

Грантру дуллалиссар субсидия итабакъаврийну федерациялул бюджетрава ч1иримур ва хъунмур ишбажаранчишиву, хъудугъул-фермернал хозяйстводачин даврин, потреби тельский кооперативрттан итадакълакьисса арцуйну.

Конкурсаравух гьуртту шинна дуван мукунна ихтияр дуссар 14 шиная 30 шинайн бияннинсса цала ишбажаранчишиву титтин ччисса ухъурча, ттинин чувчлавгу счиях1райн къалавусса.

Грантру дулавриха зий буссар РД-лул ишбажаранчишиврул ва инвестициярдалсса буллалисса Агентство. Арцуйну кумаг буваву хъанакъиссар 15 процетрар чан бакъасса, абмну 500 азарда къурушрар ххишалал дакъасса.

Гъашину дулун ккаккан

дурсса грантрал арцу дуллалиссар производствалул давриву 30 процент, шярваллил хозяйствалунсса-30 процент, къуллугъ баврил иширттансса-20 процент, туризмалул ва художественный промыслалул сса -10 процент, инновация лунсса-5 процент, социальный ишбажаранчишиврул сса-5 процент.

Грант ласун ччинал цала бизнес –проектрар цува заседаниялин увк1ун бусан аьркинссар. Конкурсару гьуртту хъунсса аьрза булайссар многофункциональный центрда нийх1ин (МФЦ-чин) цала-цала районнайсса. МФЦ-лул юристурал зун бувч1ин бувант1иссар зу гъаз бул

лалисса гъарца масъала лия. Мукунна МФЦ-лийн аьрза булун бюхъайссар зут1иссаксса даврил бизнес план дувансса.

Документру къамул баврил хлакьиравусса цимурца к1ул буван бюхъайссар ГАУ РД «МФЦ» РЛ-ссануйн телефонналувух № 66-69-99, 8(928)676-77-37.

Конкурсаравух гьуртту шаврийнсса дркументру къамул буллалиссар 2016-ку шинал августрал 1-нний августрал 31 бияннин ва адресрай; Ккуллал район, ш.Ваччи, клич1иравалу М.Х1азниева 20.

Ккуллал районналул МФЦ.



Дагъусттаннал

РД-лул магьирлугърал иширтталсса буллалисса Министерствалул GOR-Yug MMA Promotion and Management проект рашал ва «Гуманитарный конвой добра» благотворительный организациялул хладур буллай Дагъусттаннал Донбассрайнсса гуманитарный конвой.

Ва хладур дуллалисса акция ц1усса дуккавил шин дайдишаврин хас дурсса дур, мунихтуну конвойраву думургу концилярский къай, школьная форма, усру ва цаймигу аьркинмур дик1ант1иссар. Мукунна колонналул ларсуну диян дувант1иссар дуки-х1ач1ия, дарурду ва цаймигу Донбассулул агъалийнан аьркинмур.

Донбассран

Къамул буллалиссар кумагран дуллалимур, цахгу машин ласунт1исса кумагран мур. Мукунна арцу ишла дулант1иссар Донбассрайн ва мухъунмайсса ГСМ-рах.

Кумагран дуллалимур дат1лат1иссар 2016-ку шинал августрал 22-нин ва адресрай ш. Мах1ачкъала, Буйнакскийл ц1анийсса клич1иравалу № 123, РД-лул жагьилтурал общественный объединениярдал Центр.

Ванил хъирив лавну к1ул буван ччай бухъурча овьчара телефонналувух: 8962-940-02-01-Софья Горчакова, 8-909-478-08-45 Соня Салихова.



Жагьилминнал форум

Июлланул 20-нний июлланул 25-нин Ахъушиял районналий Гинта шярву «Чиндир черолий» най буссия шала Аьрастанал хъхьич1ун ливчумий жагьилтурал форум. Форумрал сиптачитал бия Ахъушиял муни ципальный районналул администрация, РД-лул жагьилтурал иширтталсса буллалисса министерство ва ФГБОУ ВПО «Дагестанский университет». Форумрал мурад хъанай бия жагьилтураву хъхьич1ун ливчумий, сакин шинна думий, каялушвиву дуван бюхъу бумий ялун личин баву, жагьилтурал дянив дусшиву ц1акъшиву.

Шикку гьуртту хъун бувк1усса жагьилтал к1ул хъунни Дагъусттаннай ялапар хъанакъисса халкъуннал культура



лулсал, багъу-бизулулсал, таварихрашал.

Форумрай гьурттушинна дунни Дагъусттаннаясса 105 жагьилнал 14 шинал 30 шинайн бияннинсса. Мукунна шикку гьурттушинна дунни Москвалиясса, Санкт-Петербургиясса, Кьиримнавасса жагьилтурал.

Форумрай даву къуртал хъуну махъ ккаккан дурна дагъусттаннал творческий коллективирттал балайрдал концерт.

Форумхъунни хъхьич1унмур проект «Человеческий капитал» иширайну биттур хъанансса хъхьич1унмай лавусса шану

Республикалийсса низамрал гьану



Июньданул 26-ний жула республикалий кӀицӀ ларгунни республикалул ца яла хьунмур байран РД-лул Конституциялул кыни. 2003-ку шинал июлланул 10-ний жула Конституциялул Собраниялул кьамул дурссар Дагъусттан Республикалул цусса Конституция. Мугъуриравунгу дурххуссар июлланул 26-ний.

Конституция хьанахь ссар яла хьунмур гуж бусса праволул акт. Мунил низам район дуцайссар жяматравусса аранду власть сакин даврицун, инсаннал ихтиярда цун, буржирдацун дархлусса, каялушиву даврил ва паччахӀлугъ сакин даврил жуардацун дархлусса. ЛирчӀми циняр цайми закон ну ва законнал яларайсса акт ру (хӀукмурду, указру) Конституция луцун бавкъуну, мунин кьарши кьабуклай чир чуну диклан аьркинссар. Кьарши дуклай духьурча, Коституциялуцун дакълакь сса журалийн дучӀан даннин, ми хӀакьмурну ккали кьадул лан аьркинссар.

Дагъусттаннал 1-мур Конституция кьамул дурну дур 1921 шинал. Ганил агьан ми гьанурду чивчуну бив кӀун бур 1918 шинал кьамул дурсса

паччахӀлугърал власть рал яла лараймур органналул цаьк кьадурнура кьамул дайсса низам.

Щала билаятрал жямат раву хьусса дахханашивуртту хӀисав равун ларсун, 1994 шинал кьамул дурссар Дагъусттаннал цамур Конституция.

2003 шинал кьамул дур сса цусса Конституциялул исполнительный влаьстрал бакӀчину хьхьичӀмуний ккаккан буну бивкӀсса ПаччахӀлугърал Советран кӀанай ккаккан бувссар РД-лул Президентнал кьуллугъ. Влаьстрал сакиншиннарал гьанурдаву дахханашивуртту кьадурнува, дахханашиву хьуссар так паччахӀлугърал влаьстрал органнал систе малува. ПаччахӀлугърал влаьсть, хьхьичӀмуниву кунна, дарчӀунна лирчӀссар законну кьамул дайсса, ми шаллу дайсса ва судрал кьартрайх. Республикагу Конституциялий баян буну дурссар цинявнинна цачлусса, дачӀин кьашайсса, демократиялул гьанулийсса, законнайн чул бив щусса, Аьрасатнал Федерация лувун духлаххисса па ччахӀлугъну. Инсаннал ихтиярду ва тархьан шивуртту муниву цаьк дурну дурсар яла лавайсса кьимат бусса шартӀруну. Жяматравусса ни замрал гьанунугу хьанахь ссар инсаннал сий, му илкинну итхьа ххаву, законналун хӀур мат баву, цайми инсантурал ихтиярду дуруччаву. Демократиялул зумунусса, жяматрал гьанурду цаьк буллалисса агьанми шартӀру Конситуциялий ккаккан дурну дур законналул хьхьичӀ циняв ар хӀалну ккаккан баву, пик рилул ва мукьул тархьаншиву, дин тархьанну дуллан бюхьаву, социальный чулуха уруччин сса, образование ласунсса, медициналул кумаг тӀалав бансса ихтияр душиву

РСФСР-данул Конституциялул ва Дагъусттаннал АССР сакин дурсса ВЦИК-рал документи ртал гьанулий.

Республикалул оьрму луву хьиривмур агьамсса ша хьуссар 1937 шинал кьамул дурсса ДАССР-данул Конституция. Муниву хӀисавравун ларсун диркӀ ссар Дагъусттан хьхьичӀун най лядурккун хӀасул хьусса социальный маьшатрал, культуралул ва жяматийсса политикалул шартӀру, цаьк бувссар милатирттал, па ччахӀлугърал ва админист рациярдал аьршарал масъа ларттацун бавхлусса агьан ми ишру.

1978 шинал кьамул дур ссар ДАССР данул хьиривмур Конституция. Муний цу дуккан дурссар республика лул Конституция РСФСР-данул

Студентьтурацалсса хьуна бакъаву

19-ний июлланул 2016 ку шинал ЧӀяйннал досуговой филиалданул ва библиотекалул дунни студентьтурацалсса хьунабакъаву.

Шикку гьурттушин дан бувкӀуну бия школа кььуртал буну махь дуклан лавгусса студентьтал, шьравусса жа гьилтал, школалий дуклакисса 10-11 классрал учениктал.

Хьуна бакъаврин хасьсса вечер тӀиртӀуна ЧӀяйннал досуговой центрданул филиалдану чӀасса И.О. Алхасова СалихӀаплул. Студентьтурал каникуллал чӀумуву шьраваллил оьрмул увухсса гьурттушиннарая, миннал язи бувгьусса пишардая, захӀматши шивурттая, терроризмалия гьарта- гаьрзану бувсуна цала ихтилатраву библиотекалул хьунмур Ибрагьи мова Гурсаланнул.

Хьунабакъаву дачин дурну бия студентка Москавий медучилищалулу дуклакисса Кьурбанова Сибрижат. Цала дуккав рияту, хьунадакълакьисса захӀматши шивурттая ихтилатру буну студентьтурал:

МахӀаммадов Эфендинал-ДГПУ-лул художественно-графический отделениялулу ккалаккисса.

МахӀамадаьлиев

Макьсудлул- УЛГУ мед институтраву Ульяновскалий ккалаккисса.

МахӀаллиева Изум рудлул- ММУ хороее отделениелулу ккалаккисса.

Жагьилтурал чулуха ихтилат буну: Кьурбан махӀаммадов М-рамазаннул, Амирова Патиматлул, Умаров Аьлилул. Школалул учениктурал цӀания ихтилатру буну 10 классрал ученицахьал: СутӀаева Гуржигьаннул ва ХӀаммакьуева Басиратлул ва мукума цайминналгу.

Ихтилатру кьуртал хьуну махь дурна личӀливурттая, терроризмалия гьарта- гаьрзану бувсуна цала ихтилатраву библиотекалул хьунмур Ибрагьи мова Гурсаланнул.

Хьуннасса гьуртту шинна дунни досуговой центрданул филиалдану чӀа зузисса художественный руководитель МахӀаллиев Магомедлулгу вай циняв студентьтуран чӀа кунни цӀуллушиву оьрмулулу тӀайла бацуну нити-буттахьул ххари буллалисса оьрчӀрудушу хьуннав зуя тӀий.

Ва хьуна бакъаврия циняв рязийну ливчӀунни.

С.Алхасова

«Илчи» газетран -25 шин

15-ний июльданул Лакрал театрданул заллануву хьунни «Илчи» газекта цунил дунялийн буклай 25 шин там шаврин хас дурсса шадлугъ. Ва шадлугърайн гьуртту хьун бувкӀун бия Лакрал интелегенция, аьлиггал, кказитрал давурттаву хьарта-гьарзану гьуртту шайми, министртал, жяматийсса ишккакулт. БакӀраятту шадлугъ дайди хьлай циняв кказитрал зузалт сахӀналийн буккан буну вай гамашачитурал кӀул буну Лакрал театрданул режессер Аслан МахӀаммадовлул. Кказитрал даврия га та цукун тивтӀуссарив ва хьуна дакълай диркӀсса дайши ширттаяту, тӀайлабацурттаяту бувсуна кказитрал хьунмур редактор ХӀусайнаева Качардул ва ванил хьиривманал Башаев Русланнул. «Илчи» кказитрал



Лакрал миллатрал тарихраву цукунсса кӀану бугьлагьиссарив гьарта-гьарзану ихтилат буну аьлимчунал Эса Аьбдуллаевлул. Дуллауна редакциялул цаппара зузалтран Дагъусттаннал республикалул наградартту: Качар ХӀусайнаеван «За любовь к

родной земле», - тӀисса ХӀурматрал лишан; кказитрал жаваб дулайсса секретарьнан Руслан Кьардашовлул, от деллал редактортуран Андриана Абдуллаеван, Патимат Рамазанован, Зулейхат Тахаькаеван, ХӀасан Аьдиловлул - «Дагъусттаннал Республикалул культуралул лайкь

хьусса зузала», - тӀисса цӀарду. Ихтилатру буну ва кказитрал Дагъусттаннал культура гьаз давриву ва инсантурачӀан гьарта-гьарзасса информация диян давриву цукунсса кӀану бугьлагьиссарив Дагъусттаннал куль

туралул министр Зарема Буттаевал, Дагъусттаннал печатьрал ва информациялул министр Бурлият Токбулатовал, МВД-лул министр Аьбдурашид МахӀаммадовлул, Дагъусттаннал журналистурал Союзрал хьунама Аьли Камаловлул, Лакрал районнул бакӀчи Юсуп МахӀаммадовлул ва цайминналгу.

«Илчи» кказитрал зузалтрал дуллауна мукума грамотартту, диплому ва арцушалсса конвертту. Хьуна мукума балайрду учаврил тяхьашивугу. Шадлугърайн бувкӀиминнал буллау бия тяхьашивринма тӀий ита бавкъусса «Илчи» кказит, календарь ва редакциялий зузисса автортурал луттирду ва «Цубарз» журналлу. Мажлисрая циняв рязину ливчӀуна.

ХӀ. ХӀусайнов

Литературалул лажин

Рамазан Махаммадов Шяравалу хласул шавриясса бусала

Даралувун кӀункӀу шай
Зунттал щарашул щингу.
Жюржулул макъандалий
Цаннин-цаннил буллай чӀу.

Къяннал шар хласул хьуннин
Лагмасса зунттал бакӀай
АькӀилай ва Буцунтта
ЩукӀрав, БачӀарабакӀуй.

ДиркӀун дур мюрши шархъув
Зунттал щарашив кунна
Цаннин-ца кӀункӀу тӀисса
Оьрмулул иширттаву
КунначӀа ку бацӀайсса.

Щарашив цачӀун хьуну
Даралуву ца нех шай
Цинна лайкъсса такъвалий
Зунттаха балай тӀисса.

Гай шархъал агъалийгу
БивкӀун бур ца пикрилий,
Циняв цачӀунмай хьуну,
Ца шяравалу дан ччай.

МаслихӀатру, ссувхӀатру
Буллай хьуну дур шинну,
ЦачӀун шавриву чӀалай,
Къуваггу хьун кашигу.

БавтӀун бур кӀялачӀиртту
БувкӀун бур ми ца мукъуйн
Машвара ккавккун бур
ИтабакӀин кӀива ницӀ.



Ницру утубивхъуний
Дуван ца шяравалу
Га клантгун цагу дизан
ЦӀуну дур шяраваллин

АькӀу бусса хьунни ницру,
Хъудугул урчӀа кару,
ЗахӀматраву савсусса,
Гъелимур кӀану кӀулсса.

Бувккуну къулгъу –къуран
Дурну хьунни дуьрду
КӀа ЦӀувкӀра бакӀуяту
Буккан бувну бур ницру.

Ницру хъхьичӀазаманнай
Хъузалан лап бусравсса

Динналул бусалларай
Мазгума кӀулну бивкӀсса.

Цал ми бавчуну бур
Ялавай хъурунничӀан
Амма я рукӀ, я хъарас
Къадирхъуну дур миннуй.

МахӀатгал хъусса ницру
Бавчуну бур къеп-щип тӀий
Цаятува ччимургу
Щалва бувчӀин къабюхълай

Ахиргу бурувгун бур
Ницру ттарацӀнил чулийн
Цала мудан дувайсса
Даву духхай ялугълай.

Микку къабавкӀуну бур
Миннух щилчӀав чинну
Ва ци байранни куну
Лавгун бурми щин хӀачӀан.

Канай бивкӀун бур ницру
РатӀатну щингу хӀарчӀун
Ссавурданий бивкӀун бур
Ялугълай кӀялачӀиртту

Ахиргу лавгун ницру
Гъелисса суннил оьнтӀав
Ник лагъ дансса къаст хьуну
Цанних ца бурувгун бур

Буллай бухъунссия гай
ЦаннищӀа ца маслихӀат

Цайнна дирхъу вихшала
ЧӀалай хъуннасса душиву.

Микку дурну дуьрду
Бувккуну къулгъу-къуран
Дирзуну урчӀи-къуру
Бувну бур цадакӀарду.

Ницругу ххира бувну
Миннун хӀурмат бувну бур

Мизитран гъанурдугу
Миккува бувккуну бур.
Ницру утту бивхъусса
ЧӀивисса суннил бакӀун

«Къянна сун» цӀа диркӀун дур.
«Къя» шарнин цӀа дирзун дур.

Бюхттулсса Дербент

Ттул Каспийлул къапуй, чуруллал къалай
Къапулдагу къапуй, цӀа бюхттул Дарбант.
ЦӀардал чӀярушиву, тарих куртӀишиву
Душмантал къабучӀан дурсса цӀакъшиву.

Ттул савдажар шагъруй, хъус дачай ххуллул,
ЦӀа дурксса шагътурал бусравсса къалай,
Ми душмантурая буруччиншиврул,
Бусалдарай ливчӀисса нартътурал къалай.

ХъхьичӀавасса шагъруй тарихрал гъайкал,
Аьрацарай лув ливчӀисса тарихрал ссигъай,
Парснал ва аьрабнал акълулул къуллай,
Та хъхьичӀ заманнул къибла дагъаний.

Душманнал аьраллу, гъагъан бай хӀурний,
Канил устартурал уздансса кюруй,
Циняв ххуй мазурдий балайтӀи шагъруй
ТӀабиаьт даркъуний капливу накъич.

Тай урчӀва махӀлалул хъхьичӀава шагъруй,
Арнил куч шай агълу ххяхълай бивкӀ шагъруй,
Каспийлул зумардай мискиннал къалай,
Бусалдарал ххазнай къуртал къашайсса.

Султантал, хантал ва шагътал,
Арнил умматирттал бакӀру дургъуми,
Ххюазарда шиная циксса ккавкксар вин,
Щала дунияллул шагърурдал нинуй.

Вил къалалул чӀиртта Маслама ливккун
Маз-зума къавкъуну ия ливчӀуну,
Турду къуркъа хьуну, къаларду лахъну
аллагънайн лаизлай бан-битан бакъа.

Мискин ятти-хӀухчил лавмартшив дурну,
Къянкъасса вирттаварал яхӀ гъагъан бувну,
Душман ялтту хьуну канин лав шагъруй,
Ислам къамул дурну, дин цӀу дурк минай.

Туркнал, Иранналгу вин ка тӀитӀайва
Грекналгу ина иттав къалайяв,
Бюхттулсса Петругу вичӀан увкӀуна
Вил чӀиртту, къаларду къулай бивзуна.

Машлул ххуллу вичӀах машачи шагъруй,
Вил чӀиртту къаларду цӀакъсса бюхттулсса,
Ина бивхъу кӀану капливун багъсса,
Вил авадан тарих магъран лавхъхъусса.

Вирттаварясса баллада

Оьсса душман ялун най
ЯхӀ бусса чув ацӀайрив?
Нину-Ватан аьтӀиний
Аьрайн къалавгун шайрив?

Хъин бидаврттайгу буртти,
Лагайва таний ппухълу
Душманнайн данди бацӀан,
Ватан, улча буруччин.

Дюь увна Кавтар-шагъгу
Зунттал ватандалия,
Арулла уссил ссугу
Бусалдарай ливчӀуна.

Ххит увна Аьрчча Тимур
Жула ПартӀу ПатӀимал
Ккуччу увна Надир-Шагъ
ТтурчӀай Хан Муртазааьлил.

Талатаврий савсуми
Лавгуна Гитлер ххит ан
Буттал кӀану ябуван
Дунияллул дяьвиллийн.

Лархъхъу накълий ябувсса
Зунттал ниттихъал арсру
Чанна цӀуртти лавсуну
БувкӀуна ватандалийн.

Бивчуну утти ца ххункӀ
Щунул хьун оьнтӀуллуву
ПпабакӀул кавкилданух
Бивхъуна вирттаварал хъхьичӀ.

Укунсса шадлугъ дурну
Нину-ппу ххари бувну
ХӀалтӀухъантурал арсру
Лавгуна шагърурдайнмай.

Ххяхъхуна Дагъусттаннайн
Чачаннал бандардугу
Мюраяту итххяхъсса
Ккачив кунматӀанкӀ-тӀанкӀ тӀий.

Дагъусттан цала чулийн
КӀура баен буван ччай
Амма къянкъасса вирттал
Ватан ядан гъаз хьуна.

Вирттал, зу цӀуллу хьуннав
Ватан цӀакъну ядуван,
Зуйн къини къадукканнав
Ватан тӀутӀайх дичин.

Зунттурду бачӀва бур тӀий
Жу пулан мабизару.

Къучагъсса вирттаварал, оьрмулул гъануй

.БачӀари бакӀул махъ чӀири ратӀничӀа,
ЧӀиви суннил бакӀуй, бургъин лажинну,
Ина дирхъун дура, Ттул шяравалуй!
Къучагъсса вирттаварал, оьрмулул гъануй!.

Вил суннай къакъунтрал балай чан къашай,
БакӀулу, Къаннаарив лачӀал шуршу бай
Ттухъавусса къунтту, бюхттул муруллил
Вил цӀакъшиврун бувсса къаларду хханссар.

Уздансса буссия тай арсругу вил
Канил пагъму бусса хъин къалайчитал.
Вил цӀа бусрав дуллай уттигу буссар:
Аьлимтал, вазиртал вил къуллугъчитал

Шяравун архния зана хъумагу
ХӀажил къунттайн лахъай вий тамаша бан.
Яру тамашалий дакӀ тӀутӀайх дичлай
Оьрмулул оьрчӀшиву хъхьичӀ дацӀан дуван.

<p>Редакциялул адрес 368390, Республика Дагестан Ккуллал район, ш.Ваччи</p> <p>Издательнал адрес: Республика Дагестан Ккуллал район, ш.Ваччи</p>	<p>Газета регистрировать бувсар РФ-лул МТПР-лул Южное межрегиональное управлениялул. Регистрациялул номер ПИ № 10-4202</p>	<p>Хъунама редактор А.И. Къянчиев</p>	<p>Газета бавтӀуссар «ЧаннацӀуку» газетрал редакциялул компьютердай, бившуссар ГАУРД «Издательский дом «ДАГЕСТАН». Типографиялул адрес: 367018. МахӀачкъала, пр. Насрутдинова 61,</p>	<p>Буккайссар ножмардий цал, Индекс: 51317 тираж 650 экз. Газета итабакӀин къулбас дайсса чӀун 17. 00, къулбас дурсса чӀун 16. 00</p>
--	--	--	---	---